

## UKWIKALA UWALoola

Panuma yakwinuka mukubelenga kwamuchungulo bushiku, umusambi umo ifi pesukulu likalamba alebilikisha umunankwe uwaliko akatalamukila ati %alileka ukupumaula abapupu munshita ya bushilulu!+ Napakumumfwa, umunankwe uwaliko akatalamukila umwipwishe ukuti engalondolola ico alekele ulya musango. Pakumwasuka atile %ndetina ati limbi kuti nasuka napumamfamo na Yesu uyo uwatile akesa panshita iili yonse ukubikakofye no bushiku+.

Lintu tuleipekanishisha pa lwa Synod ya Africa iileisa mulusuba lukalamba ulwa 2009, umutwe we lyashi uletuletela icimwemwe. Umutwe uleti %cilonganino camu Africa mumulimo wakuwikishanya, umulinganya elyo no mutende: Muli muchele wapano isonde õ . muli lubuto lwa chalo+ (Mateo 5:13 . 14)Akatabo, nomutwe Lineamenta iya Afrika Synodi iyabubili (2006:6), kaletila ati, ifintu ifingi muno Africa fya pilibuka ukutampa fye mu 1994 ilyo Synod wantanshi aliiko. Amekashi, amabunonshi, ifikauka fya chalo elyo ne fyabumupashi fyonse fyali ba ifyapilibuka.

Akatabo ka Lineameuta nakabili, kaletila ati ifintu ifyonse ifilechitika mu Africa filefwaikwa ukuchechetwa bwino bwino pakutila tefingi chilinganya umulimo wakutanda ilandwe nangula fyatulenga ukubombela ulisha. Emulandu iiho tatulingile uku chita umulumbe wamusambi pe sukulu ikalamba nge chakwangalafye nangula ichaafye. Muli bulelo, ilyo tulelolela ukwisa kwa mfumu Yesu pakimishimishi, elyo na pakupwa kwanshita, tuchili natukwata inshita kwipelesha mumapepo lintu tulelolela elyo nokuba abalolala. Yesu atile %amwishibe lintu nshita akafika+.

Muli ino nshita yakulolela emo Yesu aletushibusha mutulo lwakumupashi. Aletila ati %cingilileni elyo kabili mube abalola+ napakushininkisha ichi alitupele umulumbe wakwashimakwebo uyo uwashilile ababomfi bakwe ukulallosha pafyuma fyakwe. Ilyo ulya shimakwebo aimine ubulendo talaile ubushiku bwakubwela elyo mukumone chalikwati takabwele. Nangu chibe fyo, bamo aba mubabomfi balishibe ukuti bushiku bumo shikulu wabo akabwela. Kanofye imbula mano eukaposa ubuchngo no kulaba ukubwela kwakwa shikulu wakwe. Munshita imoine Yesu aletwita ukuti tufume mutulo no kuba abalola pakuti twingamona ifintu ifilechitika pakati kesu. Aletila ukuti twingesula amenso yesu ku babusu, kuminshipendwa iilechula, kubulwele bushaibipilee ubwa HIV/AIDS, kuli bana mayo nemisepela abale bomfiwa mushila iyalubana, elyo nakulefichitika mufyalo ifi tupalamine pamo nga Zimbabwe, Sonfe Africa, nefyashala. Umwina Kristu tafwile ukulomba amapepo ya bukaitemwe. lbwine Kristu bwine bwine kuba abalola kufintu ifyo ifile titikisha bamunyinefwe ne nkashi elyo ne fintu ifi chefya ubukata bwakwa Lesa. Muli aba bantu alechushiwa.

Imbilansuma iletukambisha ukuba abalola pantu tutwishibe inshita nanyula inshita into Yesu akeshilamo. Emulandu nine umutumwa Mateo 25:41-46 aletila ati abantu bamo bakasungwishiwa icipasha mano pabushiku bwa muntulo ilyo Yesu akatila %umeni apa, mwe batipwa kumulilo wamuyayaya uwapekanishiwe shonongo nabangeli bakwe. Nali nensala tamwanjikwishe, nail nechilaka, nali umweni, lelo tamwampokele, nail umubushi, lelo tumwamfikele, nalilwele nachifungo tamwamposeleke amino nangula ukuntandalili.+ Elyo mukupapuka kukalamba bakesa asuuka abati %awemfumu, nililali twamumwene muli

u, umulwele, umufungwa, elyo takene ukumwafilisha?+  
e ico tamwachitile kuli abo bonse abachepesha atemwa  
e wine+.

Inkulu Yesu iswimemo icipowe, amafisa kanwa, ukupumaula banamayo munshila yabunkalwe, ukubonfya imiti iifulunganya kampingu, ubulofwa makamaka kubapungwe, ukupapa shetani, ukufeluka mumasukulu, ifindofyonkofyo pakati kafyalo ifyapusanapusana, HIV/AIDS elyo nefyasha. Ubulwele bwa AIDS nombamba buli echakutinya icikalamba kumutundu wamuntuse, muno Zambia takuli ulupwa ulushileishika abatemwikwa kumulandu wa AIDS. Nechi, chiletuchinkula ukuba abalola pabulwele bwa HIV/AIDS elyo nno bwafya bukalamba buntu yaleta mumekashi yesu.

Ngabena Christu tatwatstuba ilyo infumu yesu akeesa, ilelo twaishibafye ukuti alino kwisa ubushiku bushilile kantu. %Nga aishile ilyo tatuleenekela, talingile atusanga mutulo. Ifintu nasosa kuli imwe, nasosa na kuli bonse; beeni abaloola!+

### **AMEPUSHO TULINGILE UKULANGULUKAPO NOKWABANA MUTUBUNGWE**

1. Mumekashi yesu ayachila bushiku, fintu nshi tufwile twabako abalola elyo nokuiibakako chila nshita?
2. Nimunshilanshi tufwile twabelamo abalola kuli ifi fintu?
3. Finshi mitwile ukuchita pakuti ningaipekanishisha bwino bwino pakwisa kwa kwa Yesu pa chimishimishi?

### **UBWANGALO**

- Umo uwamuli bankashi imisepelela ubule uluba lwaka chisofwe uyo uwapinshishefye emasambililo ya diploma mu sosho weki (Social Work). Chilanshi afwa michito, taisanga nangula chakweba ati ewali namatoni ayasuma babanankwe atemwa ababiye. Elyo bamo bamo, bena balasanga nchito pantu balishibana nabamo muli abo baleingisha amachito. Panuma ya nwikala imyaka ibili mubulofya, bushiku bumo asanga indhito mukabungwe akalolekesha pamafisa kanwa. Apo tusangile inchinto paushutantuli kamulandu wamafisa kanwa, alingile ukutaluka kumafisa kanwa ayo yamulengelo nababyiye bamobumo ukukana sanga inchito. Aba chakumwenako ad alapepa chilanshita ukuti ashingaponena muchitiba chimo chine. Mulandu wakukampuka elyo no mutekatima eya lengele ukuti asanga inchito munshila iya chindama.

### **AMAPEPO YAKABUNGWE**

- Wemfumu, weishile mukutulanga ubuchindami bwesu ngabana bakwa Lesa, tulangeni inshila iinga shisha ubu buchindami, wemfumu, umfwa ipepo lyesu! Wemfumu muchikuku tumfwee!
- Wemfumu lyonse ulatuposako amano mulifyonse fintu tukabila, twatintishe ukwafwilisha abapine ukupitila mumaka yesu ayachangwe, wemfumu umfwa amapepo yesu, wemfumu muchikuku tumfwee.
- Wemfumu waishile muchalo chesu mukuleta umutende lekeni umutende muchalo chesu makamaka muchalo chesu icha Zambia chibe ichizaho chamutende mumitima na mayanda yesu, wemfumu umfwa amapepo yesu, wemfumu muchikuku tumfwee!

## UKUPEKANYA INSHILA UKUPITILA MUKUWIKISHANYA

Kuli imbila iilemoneka ukuba ikankala mukubelenga kwa leelo ilyo twaingila muli sondo wachifili uwakuipekanisha mukwisa kwa mfumu. Tulechumfwa mukubenenga nganshi mumbila nsuma. Nei imbila ileti ukupekanishisheni imfumu inshila o elyo kabili mumupekanishi inshila ishapololoka bwino bwino+.

Ababemba batila ukwakwensha ubushiku bamutasha ngabwacha+. Muntu yabelele aya mashiwi, chilepilubila ati kuti wabantakafye umbiyo cilia ubulendo bwa mumfifi bwaapwa. Elyo abanesu abena chiputa.

Elyo muntu yabelele aya mashiwi, yaletila ilyo uleshana ulingile ukulalolesha panshita libitilibiti pantu kuti waisanga uleya ku bwikushi bobo ilyo ubushiku bulifye mupepi no kucha.

Nomba chilepilubula nshi ukupekanishishe imfumu inshila?+chilepilubula ati icintu icikankala pali ino nshita lintu tulepekanishisha imfumu inshila, kuplibula imitima yesu ukufuma kububi. Chilepilubula ukuteyanya imitima yesu ilyo kuchila inshita pakutila ukwisa kwamfumu pachimo limushi atemwa pakupwakwanshita takwanga tupumikisha. Imfumu yesu Kristu tailingile ukusanga imibele yesu iya lubembu, imfumu yesu tailingile ukutusanga ababula ki ababula umutekatima pamonga pee. Inshita yakulolela, eyo tulingile ukwatapo chimo ilyo imfumu tulati ukwisa. Chili umo aliishiba umwine bwino bwino chilaumo alishiba abantu abo alifyangya, elyo nefintu alufyanya mubuna Kristu bwakwe, elyo nefintu ifisuma fintu achita, elyo nemiku iyo alufya Lesa wesu uwamweo. Eicho kanshi ukupekanya inshila kuti chapilibula ukulangula palwa bwina Kristu bwesu. Chilepilubula ukubebeta imitima yesu elyo nokumona ifintu ifyo fya onaula ubusuma buntu Lesa atwakenyeko pabubumbo. Ukutendeka kwali sokolola bwino ifyo twayembele ukutikakofye nenchende muntu twalesangwa. Takwali lubembu, elyo tawali ifintu ifili nga ukukaba kwesonde ukuchila muchipimo nangula ukonauka kwampanga ukucila muchipimo. Muchinechine, panuma yabubumbo Lesa umwine ukumwene ukuti chonse icho abumbile chali weeme+ (Ukutendeka 1:31). Nimuli iine nshila emo bonse tulingile ukubula ulutampulo lwakuibebeta ukumona abo twalufyanya kumafulo elyo namunshila iya kukanaishiba. Twalyonaula ichipasho chintu Lesa atubumbile nacho elyo twaliimwena fwebene ifyo twabifya isonde lino. Mulibulelo, lisonde lyonse, lilechushiwa kumulandu wa fintu twachita kumpanga into yatushuntutuka muno matauni, ifisoso fili mpanga yonse tuleposaika ifi botolo fya sheik sheik, amayeu, ufukunkubiti twapwamo amenshi mumisebo elyo nafimbipo.

Eicho kanshi ukupekanya inshila kuti chapilibula ukuiwikisha fwebene, elyo nabambi, ne mpanga iitushungulwike and pamo na Lesa. Ukuwikisha kubwelela kunganda yakwatata uwatutemwa nganshi. Ngo mwana walubile, bonse tulingile ukusosa ati ukwalabwekela kuli tata elyo ndeya tila nati+ ukutata, ninembukila umulu elyo nakuchinso chenu. Kanshi ukuwikisha kulangulauka ukukalamba pafintu ifyaba munshila iyo tafilingile ukuba munshila imbi ukuwikisha mulimo uwakutemwa.

Ilelo muno Zambia, kuli ifintu ifisuma ifyo twachita ngechalo. Napamuku umwine twalishiba ati kuli ifintu ifinyi ifyo tulelufya kumulandu wabukaitemwe, elyo kumulandu wantungulushi isho ishishiletungulula ichalo muli buchishinka. Tulingile ukwibukisha ukuti imyeo yesu elyo



## UMULIMO WAKWA YESU

Ilyo twaingila mukati nankati ka nshita yakulolela, tulaamba ukwipusha palwauleisa elyo no mulimo. Aba yuda balikwete amabusubilo yabo elyo nobulondoloshi bwauli nokuba mesiya elyo nefyo ali nokubacitila pakulekelesha. Bali abashiminkisha ukuti Mesiya ngaaisa, akabomfya ubukangalume elyo namaka yabushilika mukufunyapo ubuteko bwa chitoma pa Yuda. Emulandu mwe kwabelele ukwenekela ukulamba elyo no kwanga ilyo Yohane kabatisha amanekela. Ubutungulushi mu Yelusalemu bwalyangufye nge ukutuma bashimapepo elyo nabena levi ukuya ipusha Yohane palwa ichi. %Niwe nani?+ %Niwe Eliya?+ ukulingana naya nupusho yaleipusha ababutumineko kuti mwaimwena ifyo bali abayenekela nokubensa pakusa kwakwa yesu. Balipali kishe ukuti Yohane engailondolola pakuti bengatwala ulusebo kushamfu shabo.

Yohane alyeshiwe apakalamba pamulandu wakuti abayuda, makamama intungulishi balefwaisha ukushiba nimeshiya wamusanga shani ali nokwisa elyo kabili balefwaisha ifyo umulimo wakwe wali no kuba. Yohane mukumoneka chali kwati taishibe wino bwino palwakwisa kwakwa Messiah. Ileo icho aishibe chakuti Messiah ali nokwisa nomupashi uupya elyo no mulilo. Uyu Messiah ali no kuba umukalamba ukuchila pali wene. Elyo kali Yohane tali no kuba uwayan nangula kukakula intambo shapa nkwanamto shauyu Messiah ali nokwisa. Ukubelenga kwantahsi nakulondolola umupwilapo umulimo wakwa Messiah elyo nefya uyu Messiah ali nokuba. Esaya atile uyo ali nokwisa akeshiwa mo no mupashi elyo uwasubwa na mupashi. Umulimo wakwe ukaba %wakuleta imbila nsuma kubatitikihiwa, ukukula abatobeka imitima, ukubila ubutungwa kubaasha elyo nokukakula abafungwa.+ li nimbila yamweo nobupususho ifi kwisha isubilo lya onse uwasumina.

Munshila imbi kuti twatila, uyo uuleisa akaleta umtende wachine elyo no mulinganya wa bonse. Yesu umwine aleshininkishe chi,+ ukufuma mubusesema bwakwa Esaya ubuleto %lelo ichi chalembwa cha fikilishiwa mumatwi yenu,+ (Luka 4:21). Umulimo wakwa Yesu muchalo kuleta umupashi onse kuli Lesa umweo wakwa Lesa muno chalo, uuli mupashiwa mutende elyo no mupashi wamulinganya.

Takuli inshila twingawikishanya chila umo ngatapali umulinganya wabonse. Ngacingacitika nomutende takwingaba ngacakuti takuli umulinganya. Elyo nobuya ntanshi bwine tabwingacitika ngatatuleisunga bwino bwino mumulinganya. Bonse twalifwa ukukula myeo yesu, amekashi yesu, elyo nechalo chesu ukupitila mufipope ifyabula umuchishya cinani elyo ifya mulinganya. Ifi efigaleta umulinganya mufifulo muntu tuleikala.

Ukufuma mumulimo wakwa Yesu muli Esaya, ulupusukilo tecintu chakumupashifye lelo nalukwata ubupilibulo ubwashiika. Ulupusukilo chilepilibula ukupususha umuntu umupililapo kumubili nakumupashi. Eichokanshi ulupushikilo telwapachalo chili nokwisafye iyo, nelo namuli chino chintu tulimo. Ulupusukilo talwashintililafye pafyo tukemba %wamushilo, wamushilo+muchalo icileisa.

Ulupusukilo nakabili chilepilibula ifyo twampana chila umo naumo, elyo nokucilishamo ifyo talolesha abo abali ukutali namekashi yesu, abpina, abatitikihiwa, ababomfiwa munshita

atampila ulupusukilo mufifulo fyesu elyo nechalo chesu  
ula ngo muntunse.

okulekelesha umulinganya mumekulo yesu, cilepilibula  
ukuti mupashi umimo un uwa pusana no mupashi elyo no mulimo wakwa Yesu. Yesu umwine  
abonfeshe inshita ukushimikila kuli bamunyina elyo nabakashi bakwe, makamaka abo buli  
abapina nganshi elyo nabachenwa apakalamba. Talifye uwasakamanemyeo yabo lelo  
namabukabilo yabo.

Ubwite bwesungaba Klistu kuba inte isha uyu mulimo elyo nokwiminako abatitikishiwa  
pamo nokutaluka ku mutitikisha mumekalo yesu. Icine cine tuli muchele wachalo elyo  
ulubuto lwa sale. Lineamenta wamuli Synod ya Africa wachibili nambala 64 aletuchinkula pali  
uyu mulimo ngaba Kristu muno chalo: %Bantu ba bali kwata inchito kalamba  
muchilonganino nakuchalo, ukulundapo kwabo kumulimo wakumucheluyu, umutenda, elyo  
no mulinganya ku kankaala nganshi ò ukulwisha aka pafulula munshila iili yonse, ukukula  
ulu kuta pacipope cha mulinganya.

Umupashi wamfumu kuti wabafye naifwe ngachakuti tatuletikisha bana mayo, abana  
banshiwa, ababonfi atemwa ukucusha besu, abakoloki, abalemana elyo nabanakishapo  
sana mumekashi yesu. Tulingile ukutampa ukucimfya amabuteko ayaletungilila umutitikisha  
elyo nokukana kwata umulunganya.

#### **AMEPUSHO YAKULANGULUKAPO ELYO NO KWABANA MUTUBUNGWE.**

1. Bushe kuti walondoloa shani umulunganya? Fintu ifyabula umulunganya ificitika  
mubunkashi bweni?
2. Bushe ubwelelo bwapelwe kukapondo palupanda bwali ubwa mulunganye?  
Ngaulesumina, cinshi wasuminina?

#### **UBWANGALO**

Kwate umo uulebula ipunda lyamunyamata uyo uumona lyonse. Abafyashi, abana babo  
abanshi imisepele muchende muntu bekala. Elyo indalama basangamo babonfya ukulipilila  
abana babo abaume kumasikulu. Uyu muynyamata naishiba ukuti abanakushi bali kwata  
insambu shakusambilila amasambililo yamo yene nabaume. Lelo takwete inkosho shakuti  
engabebelapo. Uyu munyamata apepa luli Lesa ukuti amupele inkosho pakuti engakwanisha  
ukwebelapo abekala chipanda bamo bamo pamuchisha chinani untu balechita kubana  
abanakushi. Indupwa shatemwa elyo shatumpamo nashukusha uyu mbelo wakufya abana  
panshita iishilalingu.

#### **AMAPEPO YAKABUNGWE**

- Wemfumu, twalomba ukuti utupeele ili kuku pakuti tulelolesha chilamuntu no  
muchinshi pantu bonse twabumbilwe muchipusho chobe wemfumu umfwa pepo  
lyesu! Wemfumu muchikuku tumfwee!
- Wemfumu twasanka ukuti intungulushi sha mumenkashi yesu yonse shisange inshila  
shakuchitilamo umutende kufintu ifi linga umulunganya, wemfumu umfwa pepo lyesu!  
Wemfumu muchikuku tumfwee!
- Wemfumu mukundapa no kwelela ulakuma ifilamba fyesu. Tulafwe ukuba cha  
mwenako chabu bundapishi nelyo tuleikala mukubangoshoka, wemfumu umfwe ipepo  
lyesu! Wemfumu muchikuku tumfwee!

## UKUCETEKELA MUMAKA YAKWA LESA

Lintu tulesungamina mukufyalwa kwa mfumu, ukubelenga kwesu kwalashintila palwa kwa Maliya uyo ali no kukwata umwana elyo akamwilika ati Manueli, ichilepilibula at Lesa naifwe. Maliya nomba euli pakati nankuti kumbila nsuma. Muchishinka, ali uwasunguka pakumfwa imbila suma ati ali nokwimita nokufyala umwana umwaume elyo akamunika ati Yesu. Ukwenekela kwakuba ngina wamwana wawa pulamo uuli niLesu takwa musungwishefye iyo lelo alifililwe ukucumfwikisha bwino bwino.

Nangula yali nimbila iyashupa bonse natwishiba ukuti imbila yaletete malika Gabriel kuli Maliya, embila iintu isonde lyonse lyalelolola. Imbila yakuti Lesa ali nokwikala elyo no kwenda pakati kabantuonse pakuti benga tulwa elyo nokupusushiwa ili nimbila yabusubilo. Eicho kanshi Maliya alikwete umulimo uukalamba mubutantiko bonse ubwa lupusukilo panshita yabutanda shii. Isonde lyonse lyashintilile pali Maliya ukuti engaikumbikanya ku butantiko ubu ubwashila.

Ukwabula ukufwishika Maliya alisangile iimbila ukukosa elyo nomulimo uuntu ali nokukumanya wali uwamufinina. Nga ichi kuti chachitika munshila nshi apo ndi mushimbe uushakumanyapo shitata?+ Ili lipusho lintu aipwishe Gabriel lyali ilya musanguwela. Lyaleimininako amepusho ayo twipusha pufintu ifingi ifichitika mumekashi yesu. Amepusho ayalingana. Bushe umweo wandi ukatala aubapo bwino? Bushe nkatala ampita pali ubu nangula bulya buchushi mumweo wandi? Bushe ifikansa fya chalo cha Zambia elyo no bunonshi fikatala afibapo bwino? Ngapali ii inkulo elyo nabana besu, bakatala abapusuka kubusanso bwa HIV/AIDS? Abapungwe nabobene baleipusha amepusho yamoyene palwa fili kuba intanshi yabo. Mukwipifya, nikwi kuntu isonde lileya, elyo bupilibulo nshi buntu ubwikanshi bukwete muli chino chalo umwishwile amafya elyo no kuchula ukushingalondololwa? Pamo nga Maliya bonse twali kwata ifyo tutina elyo nama butwishiko. Ubupusano bwakuti Maliya tatinine nangula ukulusa ubucetekelo bwakwa mumaka yakwa Lesa. Tali uwa kutina ukulanga umwenso uuntu akwete elyo namabutwishiko kuntanshi yakwa Lesa. Emulandu wine untu Gabriel alaile Maliya ukuti tapli ifishinga chitka kuchinso chakwa Lesa. Gabriel alimuchinkwile pafyo Lesa engachita ilyo umupele icakumwenako ukufuma kuli Elizabeth uwali umufyala wakwe (Maliya) uyo uwali pabukulu pamyenshi mutanda nangula chakuti abantu baletila imyaka yakwe iya yalipita. Muli bulelo, umungeli aletulaya akuti tapali ichishinga chitwa ku chinso chakwa Lesa.

Limo limo ubusumino bwesu bwaliba ubwanaka ilyo tuleponenwa namafya mumyeo yesu icakutula tulakabila ukukoseleshiwa pamo nga fintu chali kuli Maliya. Imbila yakulolela iyasondo wabune ili bwite, bulaliko kuli fwe bonse ukuti twinge bukulula ubusumino elyo nechichetekelo mumaka yakupususha ayakwa Lesa. Kuli ifwe few ba Kristu, Lesa ali nokutufwila ubulwi ubuli bonse. Ulubali lwesu kuchetekela elyo nokuchita ifyanyana ukulingana nabengapela amaka yesu. Ifyashala tushile amaboko yakwa Lesa. Tulingile ukuchita inoseko shakwa Maliya ngeshesu Ndi bumbwa chakwa shikulu+ elyo lombeni nashimalubo. Ubwafwyo bwesu buli mwi shina lya mfumu uwabumbile umulu ne chanlo+ (Malumbo 120:2). Elyo Lesa ali nokubaka uuli onse uwachetekela mwishina lyakwe. Muno Zambia ilelo, natukwata mafia ayengi ayengatulenga ukunakuka atemwa ukunashiwa. Ilelo kabili natukwat amabupe ayasuma elyo ayengi ukufuma kuli Lesa wesu uwamweo:

unonshi, elyo no mutende. Tulakumbwisha abena o tulingile ukuchetekela Lesa, ngafintu Maliya achitile, mpana na Lesa. Tuli nokukwa Costitution umupya elyo tuli nokupwisha AIDS, tuli nokwikala mumutende elyo kabili mumuterelewe. Chitetekereni mumaka yakwa Lesa ayakutemwa.

Maliya ali nokuba ichakumwenako chaape mubusumino elyo namubutumwa. Atulanga ifyakuba abakutika kwishiwi lyakwa elyo nobufwayo bwakwa Lesa elyo kabili noku chilishamo ifyakuipela mumaboko yakwa Lesa uyo uushakatushe atemwa ukutuposelekesha. (Yelemiya 29:11-14) alatwafwilisha uku chita fyonse mumusangwela ilyo atiila Malishiba abapange anmukwatilaõ amapange yakumipala ilelo teyakumuchena, amapange yakumupele isubilo elyo nobuyo+. Eicho natwipushe imfumu ukutupela ubusumino elyo no kuchetekela kuntu Maliya akwete mumaka yaku temwa ayakwa Lesa.

### **AMEPUSHO TULINGILE UKULANGULUKAPO NOKULANSHANYA ELYO NOKWABANA MUTUBUNGWE**

1. Nililali lintu ubusumino bwesu buba ubwa nakisha elyo kabili nililali buba ubwa kosesha?
2. Busanso nshi buntu Maliya alimokutumpamo pakwasuka kumulimo buntu ailtilwe ukuchita?
3. Nimunshila nshi naifwe twinge senda elyo no kufyala Yesu munchende muntu tuli?

### **UBWANGALO**

- Kwateni umo uwalabula ulubali lwakwa umkumfwilwa uwali nabana babili. Lintu umulume talafwa ulupwa lwali ulwanonka. Ulupwa lwamulume talwapokolwele ifipeilelo abana baume babili bantu ashele nabo ebashitishe ifipe fimo elyo indalama basangilemo bali bonfesho kumiti iifulunganya kampingu (drugs). Uyu mukamfwilwa apanine anashine mubusumino pamulandu wabuchushi pwaponene panganda yakwe kumulandu wabukateme bwabana bakwe babili. Ulu lupwa lwalefilwa ukukumansha ifyale fwaikwa mubuka. Lelo uyu mukamfwilwa achetekele pa maka yakwa Lesa ukupitila mumasali yakwe, aba bana babili balipilibwile imibele ukuma ku bubi elyo nolupwa lwali ulwakusansamuka nakabili.

### **AMAPEPO YAKABUNGWE**

- Wemfumu, twalomba ichikuku ukuchetekela ukuti uli nokutulinda mumabukabilo yesu muno Zambia, wemfumu umfwa ipepo lyesu! Wemfumu muchikuku utumfwe!
- Wemfumu tulelomba ukutila tushinganenuka ilyo twalwala mundupwa elyo nelintu tulechuchutika mundupwa shesu, wemfumu umfwa ipepo lyesu! Wemfumu muchikuku tumfwe!
- Wemfumu twalomba ichikuku ukuti tube abasole mukukonda bukaichefye bobo pakwisa ikaala naifwe nangu twaba nemembu, wemfumu umfwa ipepo lyesu! Wemfumu muchikuku tumfwe!